


A stylized landscape illustration featuring rolling green hills in the foreground and background. On the left, there is a green tree and a purple flower. A small red bird is flying in the sky. The sky is composed of horizontal bands of blue and white. The text is centered in the upper half of the image.

# INDUVINEI DAI FRUTS DI 4B

*Classe 4B de scuele primarie di Felet (UD)*




A stylized landscape illustration featuring rolling green hills in the foreground and background. The sky is composed of horizontal bands of light blue and white. On the left side, there is a small tree with a dark brown trunk and a large, rounded canopy of purple and pink leaves. At the base of the tree, there are several orange and brown rounded shapes, possibly representing bushes or flowers.

I fruts a àn preparât dai dissens  
dai lôr ogjets di afezion e po dopo  
a àn scrit da lis frasis par fâ dai  
induvinei ai amîs di scuele.

Il Nûfcent di Ugo fra storie e peraulis - Sperimentazion  
didatiche in classe 4B – mestre Rosso Maria Paola  
(in relazion a Modul 1 di Tamara Pozzebon)





Al è blanc e tenar! Al è un ....  
orsut !


Al è zâl e al à il bec! Al è un.....  
ucielut !

Si pues poiâ il cjavut e tu tu  
puedis ancje abraçâlu dut  
suntun biel cussinut!

Ce ch'a son?

(trê peluche)

Alessandro



Jo o soi piçul e pelôs,  
o mangji, o bêf,  
e dopo o cor e o cor  
fin a stracâmi  
e po dopo o torni a la cjasute.  
O soi afetuôs e tenaron.  
Cun me dut al è bon;  
o voi ator e o fâs contents  
come i fruts ubidients!  
Il gno non al scomence cun cri  
e al finîs cun et.  
Ce isal?  
(un cricet)


Alice



I plâs la cjar, ma nol pues mangjâ  
i dolçs,  
i plâs fâ lis cjaminadis e  
cognossi tantis stradis;  
cuant che lu cjarini, o sint  
che al è tenar,  
tant che mi cuiete dute la gnot!  
Ce isal?  
Al è il me ...

(... peluche)

Giulia





Al è maron e une vore pelôs (peloson),  
durmion e tenaron.

Al svole come un colomp,  
come se al ves lis alis  
par svolâ lontanon.

Ce ch'al è?

(Il çus peluche)


Chanel



Cuant che al tornave a cjase de scuele,  
inte strade plene di tiere,  
al jere simpri disfortunât,  
par cualchidun maleducât.  
Ma nol pierdeve la ligrie  
e al continuave cun interès la vie;  
Al è divertent e al è il protagonist di un...

(libri)

Simone



*Simone*



Cuant che o stoi mâl, Arturo mi  
console.

Al è dai prins seconts de mê vite  
che al sta cun me;  
al è blanc e simpri avilît,  
ma inte bielece dal sium rapît,  
la gjonde la puarte cun se  
e al sta simpri dongje di me!  
Cui isal?

(Arturo , il gno Sad Bear peluche)

Lorenzo







A son une vore grancj,  
svelts e ustinâts;  
mi cognossin une vore.  
A van ator pal mont;  
a lôr o vuei une vore di ben  
e ancje lôr a mi;  
o stoi simpri atente a la lôr clamade  
e a lis lôr tabaiadis,  
ma o sai che a vegnin in Italie  
dome pes vacancis!  
Cui sono?

(Samba, Lena, Marianne, me fradi e mês sûrs)

Dado



Al è un grant curioson,  
ven a stâi che al vûl dut curiosâ  
e ancje une vore cerçâ!  
Ma, soledut, al è ancje une vore  
svelt e al vûl stâ simpri tal viert.  
Al è une biele compagne,  
che mi a dât un pôc di ligrie.  
Ce isal?

(il gno cjan)

Davide





Al è tenar, al è pelôs,  
e al mangje plui ch'al pues,  
ma al è come un pipin,  
tant biel e tant ninin!  
Mil e mil i plâs,  
ma al puarte tante pâs!  
Ce ch'al è?

(un orsut peluche)

Riana





Soreli o nulât,  
sul prât al è simpri biel  
divertîsi, zuiâ, cjaminâ, cori  
daûr di lui!  
Fin di piçul imparâ une mosse  
par rivâ cun passion a berghelâ:  
“3 su 2! Vitorie !”  
Cui isal?

(il balon)

Karim





Jo o soi pelôs e un grum teneron,  
ma o soi ancje une vore pevarin:  
mi plâs stâ in mieç al zardin  
di un condomini;  
mi plâs mangjâ e mi plâs saltuçâ  
tal soreli e tal prât  
content e beât!  
Cui soio?

(un cunin)

Mariagrazia



Lui al è il gno miôr amì,  
ma ancje se nol è vîf, mi compagne  
intai moments bruts e scûrs.

Al è il gno ogjet dal cûr, parcè che, cuant che  
o vevi juste cuatri agns, gno fradi mal à regalât:  
al è stât un mot une vore biel!

Se, di fat, lu ves di butâ, o butarès vie gno fradi!!  
Ma no lu fasarès mai e po mai!

Cuant che o stoi cun lui, o gjolt; cualchi volte o  
buti fûr lis mês emozions cun lui: avilizion, rabie...

Al è propit l'amì plui fedêl!

Cui isal?

(il gno cjan peluche)

Sara





Domenico

Al è pelôs, al è maron,  
al è un durmion;  
sul jet al è tant ninin!  
Ce isal?

(un pipin)

Domenico

Bi! O sai che no us pararès normâl,  
ma nô o stin li a fevelâ,  
e a voltis (cuintivoie di mê mari) i doi il gno  
past di mangjâ.

Cuant che mi tiri dongje, mi fâs di voli a mi,  
mi dîs une peraule e po dopo e scomence  
a ronfâ!

Di cui fevelio?

De mê Rosita, vâl a dî de mê...

(...gjate)

Sofia







Lu dopre mê sâr,  
ma al è me cun dut il cûr;  
lu ai za di une setemane,  
ma jo lu dopri dispès par zuiâ!  
Mi pon sul divan cun cheste  
robe chi,  
vâl a disi cun A73!  
Ce isal?

(il celulâr)

Bruno



O jeri une vore tacât al gno Billy,  
parcè che o zuiavi simpri cun lui.  
Nô o jerin amîs tant che no si pues  
di plui!

Cuant che o stavi mâl e o jeri avilît,  
lui al vignive dongje pît a pît,  
une vore mi judave  
e cun afiet mi lecave!

(Billy, il gno cjan)

Luigi P.





Al è tenar e pelôs  
e mi ten compagnie;  
al rît come un bebè e mi fâs ligrie;  
cun tun toc di soreli al mande vie  
ogni malinconie !

Ce isal?

(il mê peluche)

Isabel



La gnot mi fâs insumiâ,  
a la buinore mi fâs alçâ.  
Al è un pôc clâr e un pôc scûr ,  
al è dal gno Friûl !  
Mi cjale e mi fevele  
cun che musute tant biele!  
Ce isal?

(al è un orsut)

Nicole







E je Mirta, e je nerute,  
e à il non di une frutute;  
e je basute, ma e salte ben  
come un biel zupet suntun len !  
Dut il sfuei al è colorât,  
cun jê in mieç al cîl, ai nûi e al  
prât.  
Cui ise?

(Mirta, la mê cjìce)

Luigi S.

Cuant che o stoi mâl o cuant che o soi  
rabiade,  
jê mi console e ogni robe e devente  
colorade.

E je une vore lente, ma tenere;  
e je alte cuasi cuasi trente centimetris.  
Jo i dîs: “Pense tu cu lis cuatri rosutis,  
a mandâ vie dutis lis malinconiis!”  
Ce ise?

(Bapu, il gno peluche)  
Federica








E je ninine e pelose,  
biele come une rose,  
e fâs ron ron (fûs);  
e je ancje afetuose  
ma cualchi volte e je pardabon  
fastidiose!

E je di mê none  
e ducj i volìn ben une vorone!  
Il sô non al è Caroline  
e jê e je pardabon tant ninine!  
Cui ise?

(la mê gjate)

Yosef



Intun lûc une vore amât e  
insumiât,  
di cjasis, stradis, un cîl, un prât,  
un soreli di ligrie,  
a son creaturis vivents che a  
corin.  
E je une bestie grande e nere,  
che e zuie simpri di ogni bande,  
e ame il colôr zâl e  
e ricuarde la gjonde dal carnevâl!  
Ce ise?

(il gno cjan)

Paul





A stylized landscape illustration featuring rolling green hills in the foreground and background. On the left, a green tree and a purple flower stand on a small hill. A red bird is flying in the sky. The sky is composed of horizontal bands of blue and white. The text 'MANDI DAI FRUTS DI 4B' is written in a brown, hand-drawn font in the center-right of the image.

# MANDI DAI FRUTS DI 4B